

万国史记

一
函
八
册
函

萬國史記卷三

亞細亞史第三

印度記

緬甸之西雪山之南有廢土突出南海形如箕舌所謂印度也印度有五形入海之處爲中兩兩印度與緬甸昆連爲東印度雪山拱抱爲北印度跨印度河距阿富汗爲西印度縱橫數百千里高原綿邈氣候炎燠其民種類不一相傳上古有二族一曰日朝一曰月朝並出于天神日朝後王拉瑪爲父所逐與其妻西達遁住山間十四年衆推爲王錫蘭島王拉巴拿一身十頭軀幹偉大恃其勇力奪西達去拉瑪攻錫蘭殺拉巴拿立其弟爲王威震四隣遠人歸心拉瑪死子孫世襲月朝繁衍于南西印度耶耶提王尤著訓人民闢疆土二朝時文學禮義彬彬四方屬望一說西歷紀元前二千一百八十年高加索族入西境居印度河旁二千年始拜婆羅門教造梵字著肥大司此土書一千六百十四年高加索族與土人戰一千三百年二族媾和通婚一千年始與猶太通七百七十年始立四司尼加朝傳十世三百六十年六百年佛教大興五百四十年釋迦卒然其事蹟之詳不可得而聞也五百二十年間印度西境俱爲波斯屬地波斯國稅額三分之一實爲神武天皇卽位前二十五年事後馬甚頓人西里亞人拔克德里人相繼來伐印度大半當歸其轄一百二十六年韃靼人爲本國所逐至中國境不能入轉攻拔克德里滅之爾

其八
王伯創
其地

王伯
第三

印
度

七
五

後諸國互有沿革。紀元一千年間。土耳其人馬毛多興于波斯。建伽寺尼國稱王。屢伐印度克之。版圖甚大。一千二十八年卒。費沙拉據上印度自立爲王。越二年。復馬毛多所侵略之地。一千五十年。米山德第三爲王。都于勒和。旣而國中分裂相爭。

一千一百九十四年。阿富汗君長高黎侵掠印度。陷其諸城。一千二百六年。高黎爲其下所害。土耳其人中。去伯創建特里國爲王。是爲土耳其第一朝。會成吉思汗起于蒙古。失其屬地。十傳終。一千二百八十八年。甲王伯裔伯魯士爲特里王。是爲土耳其第二朝。許蒙古人移住。明年爲其姪阿老丁所弑。阿老丁自立。破蒙古兵。三傳爲烏罷。一千三百三十七年。烏罷帥師逾雪山。寇中國。卒于途。國勢浸衰。一千三百五十五年。伯羅士第三爲特里王。是爲土耳其第三朝。伯羅士勸農工。享貿易。在位三十七年。國內無事。稱爲賢明。五傳至馬毛多。國大亂。分裂爲二。一千三百九十九年。帖木兒郎自西鞭鞭來侵。大肆搶掠。屠殺十萬人。征服五印度爲蒙古別部。未幾而去。一千四百十四年。奢一精爲特里王。立舍德朝。是爲土耳其第四朝。三傳終。四百五十年。阿拉丁爲特里王。立魯日朝。是爲土耳其第五朝。一千四百八十八年。昔剛德爲王。卽位之十年。歐人始至。十五年力克王與哥陳王戰滅之。明年葡萄牙人助哥陳復國。尋開可陳錫蘭諸埠頭。一千五百十七年。愛布拉罕嗣立。與蒙古戰敗死。國亡。

一千五百二十四年。帖木兒郎五世孫巴卓爾大舉入印度。取特里併其地。印度諸國屬

其子孫巴庫爾立國于特里勢甚張卒子武米恩立爲西門汗所廢西門汗死復立有位僅一年卒子亞格巴爾立爲人豪雄卓犖卽位之四年叛民喜馬纂立攝政白蘭攻之喜馬敗死王復位居五年白蘭叛王親討之遂征服四隣一千五百六十五年築阿格拉城爲都一千五百八十年遷都于勒和勝兵六十萬國力日強一千五百九十四年分國爲十二省設教法駁雜思別設一教以齊民志未果一千六百五十年病卒在位五十二年鄰國無伺釁者王時英荷二國始來設東印度公司英國水師駐防子西令立國號奇汗久譯言平治天下也一千六百二十八年西令卒子沙日罕立盡殺大臣復都特里一千六百五十七年王子四人相攻三子敗死一子名阿倫格弑王自立焚滅國中寺社使國人強奉回教不從者處極刑大廓疆域施仁政殆有統一全國之勢一千七百七年卒步哈德立卒子哈達立伯羅士弑之自立阿布達又殺之步哈德孫馬罕末德嗣立一千七百三十八年以事殺波斯使臣波斯來伐大肆劫掠收贖金十六億六千六百萬元而去一千七百四十九年阿富汗來侵拒之不克是歲王卒亞美立乞援麻刺多麻刺多逐阿富汗自據其地居五年亞美被廢亞倫格第二立亞美起兵攻之兵多疫死遂退一千七百六十年王被害西令第二立與英人戰敗績割地請和一千七百八十五年麻刺多來伐請援于英英兵未至王爲麻刺多所虜麻刺多人挾王自取特里一千八百三年英人與麻刺多戰克之遂得特里一千八百六年亞格巴爾第二爲王仰英俸自

給。一千八百五十七年。印度各邦合兵擊英。不克。英人獲特里王流之。緬甸自是填海各
道皆屬英。

一千九百零一年以來。歐羅巴諸國染顧印度者甚多。一千五百年代。葡人始至孟買。建城通市。致
富。荷蘭人妬之。遣兵船攻奪其地。設立埠頭。經數十年。六百年代末。英人甲便日士抵東
印度。設公司。擅商權。凡十五年。英船將蘭加斯德功甚多。遂取諸島。築砲台。移植其民。荷
人復妬之。與英人極兇暴云。

一千七百年代。初莫臥爾國漸衰。土豪割據各部。不奉政令。莫臥爾人假英人力。滅土豪。
是時法人亦來設埠頭。一千七百五十六年。英人逐法人。就其址。造築家屋。極壯麗。明年
英人與孟加拉酋長索拉約。索刺戰。大破之。盡取其地。一千七百六十五年。英公司與莫
臥爾和孟加拉。遂爲商會首。

一千七百六十七年。賈索王之子。非德爾阿厘起兵抗英。阿厘有大志。陰養兵卒。一千七
百六十年。攻賈索取之。乘勢併吞四隣。英忌阿厘與麻刺多合兵擊之。一千七百六十九
年。與阿厘和。一千七百七十四年。英商會遣瓦倫哈斯丁士攻印度。盡降之。一千七百七
十九年。阿厘與麻刺多及其他土豪叛。英人起兵。法人資之。兵器糧食。哈斯丁士以計
解散其謀。英與麻刺多人和。明年阿厘死。一千七百八十六年。阿厘子站布薩普畢起兵
與英人戰。一千七百九十九年。站布薩普畢敗死之。英人與麻刺多分其地。一千八百十七

年英人擊麻刺多破之會大疫英兵死者一萬人明年印度全境大疫一千八百二十四年英人掠新嘉坡及旁近群島一千八百二十六年占據麻刺甲一隅一千八百二十九年英人下令禁殉葬一千八百三十三年始用土著人爲官以分商會之權一千八百三十九年築砲臺於亞丁及百林島是時英人更掠波斯灣要害造鐵路于幼發拉的河畔一千八百四十三年英人出兵掠取信地遂討塞哥塞哥人初據本若建國其酋長林日星爲人雄武屢歐人練兵旅四隣畏服既而林日星死歐人皆歸其國兵士橫暴不奉命侵入英屬地一千八百四十五年英將率兵攻本若奮戰破之塞哥人懼償兵費請和英人駐兵一萬備之一千八百四十八年本若民叛作亂全國應之英將高弗邀擊破之明年本若全歸英營英人解散塞哥兵執首謀者幽酋長於是印度全地無復抗英者一千八百五十七年五月孟加拉民群起作亂安日河旁近諸部悉應之衆凡十一萬皆帶新式兵器進至特里據要害見英人不問男女皆屠殺之放火搶掠立莫臥兒帝裔彪色苗爲印度皇帝年八十餘派將卒捕隱匿英人者襲各處銀行搶掠無所不至英公司發印度西北屯營兵攻特里亂兵悉聚于岡坡爾屢襲英人英人糧盡約降亂兵誘英人至河心自兩岸狙擊之英人男女死者大半餘皆爲虜不屈大將巴布洛以兵二千四百攻岡坡爾三戰拔之會烏德大軍來侵英將勞稜索尹吉利相繼據盧各臆防之巴布洛擊烏德兵不克卒于陣軍中無不悼惜明年三月哥林幹布伯將兵一萬來援一萬二千

繼之。每戰皆勝。自是亂民氣燄漸衰。至六月始平。公司奉土地歸政府轄。於是巴力門建議以印度爲英政府所管。廢藩屬之名。置印度事務。宰相專任。總鎮及各鎮臺諸務。置參議官十五名。總民政八名。政府所任七名。使同僚撰之。必取其嘗任印度職務者。施仁政以懷土人。造鐵路。架電線。阜棉花。諸產物。歲入漸增。會計有餘。人心日進高明。

印度東南有錫蘭島。土人謂高山爲錫蘭島。有高山因名。古時人民頗留心文詞技藝。至近時荒陋殊甚。相傳釋迦實生于此。嘗從伽藍嶼來登錫蘭山。山上至今尚存足跡。山下有一寺。貯釋迦涅槃真身及舍利子。民居尤從佛教。佛教自古行於此土。如大陸內地。皆奉婆羅門教。云一千七百九十六年。英人驅逐荷蘭人。盡有濱海之地。會錫蘭酋殘虐失民心。乃進攻其都城。可倫破之。取全島。遂歸英。近有奉耶穌教者。

印度人容貌壯偉。氣象溫和。好文學。學者往往傳梵字書。議論高妙。尊信婆羅門教。愚民或輾死靈車下。或以子女爲犧牲。人死則棄之水。以飽魚鼈。有伉儷敦篤者。積薪焚夫屍。跳入火中。人民分四族。貴族不得與平民婚。犯者處刑。貧者平居裸體。以寸布圍腰下。居屋塗以牛糞。男子胸烙小印。額上刺紋。女人穿鼻帶環。中國人以爲五印度。並奉佛教。是大誤。然佛書稱恒和爲靈水。即今安額河。諸佛菩薩羅漢繪塑之像。多裸上體。或直帶環。腰束劍。即印度水俗。僧服袈裟。及合掌膜拜。亦皆印度土俗也。則以其地爲佛教所從出。不足深怪也。自達摩航海入中國。佛教大行於東洋諸國。紅衣喇嘛教起於烏斯藏。後宗

印度人立
約不愛
此風

上古十二
年

喀巴別倡黃教蒙古諸國靡然從之可謂盛矣然自回教起其教漸傳東北而錫蘭亦多舍佛教而拜馬哈麥者至今五印度爲歐羅巴之東藩參以西教而佛教漸微矣論曰大凡崇信教門者莫非畏禍求福之心而其原出於沃土人民不勞心力邀福于鬼神如印度以西諸國是也夫印度自古之弱國也幅員雖廣而怯懦不能鬪西北諸國屢教而伐之未聞印度之兼有他國也佛之與波羅門何足貴哉吾聞印度人服從他國立約不變教法風俗嗚呼教法風俗不變是其所以服從他國而不能自立歟

波斯記

波斯在亞細亞中部本郡名嘗隸猶大其民上古有十二族巴撒伽特最顯然其事蹟見於史者甚少或曰閃之裔金希德始居於此紀元前二千一百九年開我摩斯建國爲王以色列齒爲都城二千一百二十年其孫胡升即位在位五十年四隣賓服國中大治京師即位始以春分後六日爲歲首二千十年爲大赫所弑有倡義者討大赫立幼子勿里登一千九百八十年王子蜚魯司立大治政一千七百四十年蜚魯司子挪太嗣立土蘭王以兵四十萬來攻王敗死之子柴府立發憤爲雄在位三十年讓位於哥山白一千六百九十一年爲亞非西雅勃所滅自是後一千二十年不能自立先屬土蘭後屬亞西亞六百四十二年蜚魯司之裔開里白德逐土蘭人自立以伊斯巴罕爲京城安民講武國政日興六百六年與亞西亞戰勝之六百一年加哥斯爲王爲土蘭所虜大將魯司登救

之復王及猶太王亞士智芮卽位。有一女曰曼達尼。初亞士智芮夢葡萄生曼達尼。懷中遍覆亞細亞。疑外孫奪猶太。以波斯小部落易制。故嫁之。其貴族岡比西士。旣而生居魯士。亞士智芮命侍臣棄諸野。侍臣不忍。付牧人收養之。及長入王宮。王覺之急捕不得。怒侍臣。給已烹其子而食之。居魯士遂回波斯。時王侍波斯甚虐。國人側目。猶太大將哈巴。我勸居魯士圖猶太。居魯士遂舉兵叛。王攻之不克。爲其所擒。居魯士親解其縛。置諸宮中。接之有禮。猶太亡。爲波斯郡縣。

居魯士英武過人。汎愛得衆。夙有大志。旣卽位。首攻亞爾美尼。取之。隣國危懼。呂底亞王謀與巴比倫合從。其臣諫之不聽。遂起兵來侵。王親將邀諸珍拂拉。波斯軍乘驃。呂底亞軍乘馬。馬見駝駑走。波斯軍乘勢衝突。呂底亞軍大潰。逐北至其都撒狄。一鼓下之。虜其王古勒索。縛置積薪上。將燔之。古勒索大慟曰。悔不聽忠臣之言矣。王召詢其故。惻然釋之。待以賓禮。遂參國政。是爲紀元。前五百四十八年事。實神武天皇卽位之十二年也。古勒索殞財利。後世言富者必稱之。先是巴比倫伐猶太。破其都城。猶太王自殺。巴比倫縱兵淫掠。脅遷其民。每猶太人千餘。間勁兵一隊。鞭撻驅行。老弱轉死數百里。僵屍相屬。哭聲振野。痛恨次骨。每食祝其速亡。至是巴比倫王巴荅薩淫虐國大亂。猶太族延領埃波斯師五百三十六年。王率兵攻巴比倫。府牆壁堅牢。幼發拉的河當進擊之衝。因命諸穿溝渠環府外。工旣成。一夕值知巴比倫王宴樂醉飽。乃開溝。閘河水忽涸。王親督諸軍。吶

已比倫亡
波斯即

居魯士
死

國波斯
王居魯士
死後及高
臥之

滅亡人將內大爭走王與兵紳在宴席間叫號之聲起欲逃被殺舉國望風奔巴
比倫亡為波斯郡縣王遂釋猶太民歸其國於是波斯版圖東至印度河西濱地中海北
俯裏海及黑海南臨伊西阿比及亞刺伯灣疆土之大前古所無焉築都城於蘇撒號曰
新都

未撤其國在裏海東北土地廣確其民豪悍好鬪不服王欲取之率軍往攻女主多美利
徵全國兵出禦殊死戰波斯軍敗王為虜是役多美利太子戰歿多美利痛恨命其下刃
王斷其頭盛桶中浸以人血曰汝性嗜人血吾今使汝饜人血

居魯士既死長子岡庇西士嗣立好遠略類父嘗出兵攻埃及國埃及國王參美尼多率
兵邀戰不克退保孟斐斯城埃及國俗尊猶太為神使恐之王乃令國人盡出猶太列諸
前軍埃及國兵望見之不敢放一箭波斯兵乘之四面肉薄城遂陷虜參美尼多以下繫
獄使子女親戚數千人囚服為胥靡往來其前眾在獄而泣聲甚哀王聞之惻然赦參美
尼多後卒殺之王既滅埃及國意未厭將南攻伊西阿比率兵踰沙漠糧食不繼將士途
死乃班師見埃及國府民盛飾神牛巡城相賀謂喜我兵不利捕祭司鞭之親屠神牛以
食士卒憚其不得志於伊西阿比居常怏怏縱酒喜怒無常親臣布列撒伯諫之言頗切
王遽命酒立傾數太盞謂布列撒伯曰汝以予為精神亂乎召布列撒伯之兒立廳前直
起射之兒應弘而倒因使剖其體箭正穿其心笑曰何如母弟士墨底自居魯士受封於

東北爲牧伯。王心忌之。使人陰殺之。其妹悲泣亦殺之。而士墨底之死。深秘不洩。猶太祭司族士。遍太達。乘國人思亂。詐稱士墨底登王位。寬租稅。收民心。衆推戴王。在埃及國聞之大怒。將歸征之。蹶起跨鞍。劍脫傷骨髓。暴死。埃及國人大悅。王臨終召庶臣。始語其殺士墨底之故云。

岡庇西士既死。波斯望族七人合謀。滅士。遍太達群臣議所立。未定。約曰。騎而同出。馬先嘶者爲王。已而大流士馬先嘶。遂接王位。王雄武有權略。納居魯士女亞咀撒爲妃。振肅紀綱。合一政教。分全國爲二十省。州置牧。定稅法。鑄金幣。興學練兵。國運日興。巴比倫叛。大流士將兵攻之。城固不拔。攻圍甚力。二年。王將項比路佯降。巴比倫納波斯兵。城乃陷。釘其民于架。威名遠播。四隣廣開。園囿博採珍奇。

王爲政總攬大權。不敢委人。嘗伐木。識其有一老翁。其子三人。皆當役。將行。翁謁王。苦請曰。臣老不堪。且夕之勞。大王今日若從三子。臣明日餓死。願垂大恩。留一人。言甚哀。王聞之。血惡之。厲聲曰。特爲汝留三子。直刃之以屍與老翁。

王誇大。嘗出兵印度。伐河西諸國。悉降之。進侵河東。遂欲略西方。發大兵。伐希臘。大敗而還。王憤志。將再調大軍。以雪前恥。閱修軍實三年。偶羅病而死。其子澤耳士嗣立。都於百泄波利。欲繼父志。以報希臘。下令管內五十六國。悉徵其兵。兵士雲集。將容一萬人。以

斐亞亞斯山。又排列船舶數百隻於黑勒斯奔海峽爲浮梁。便陸兵進行。會風浪大起。船壞王大怒。縛船工刎其首。數海神之罪。鞭浮梁三百。再排船艦。沈鐵鎖於海底繫住之。梁浮既成。大軍渡之。七日夜不絕。王閱軍於兌里斯哥。希臘都府。震懾納降。唯士帕大雅典二府不屈。士帕大王留尼達以兵六千扼隘口邀戰。波斯軍死者七萬人。不屈遂克之。斬留尼達。長驅入雅典。聲勢甚盛。既而海軍敗於撒拉末斯。陸軍亦不利。王錯愕狼狽。棄衆而遁。急設浮梁於黑勒斯奔海。又爲海水摧破。遽乘漁舟。匿以身免。事詳於希臘史。

四百六十五年。澤耳士爲其臣亞查伴所殺。子亞答澤耳士嗣立。誅亞查伴。四百六十二年。命設盛宴。會七十二省酋長於書山。欲見其夫人。夫人不從。黜之。亞答澤耳士寢疾。長子太流士。合國人五十名謀大逆。事覺被誅。亞答澤耳士尋死。子澤耳士第二立。未幾庶弟素克侍誅弑之。大流士第二立。昏惰無能。又弑之自立。有一百十八子死於佞蒙。立其弟西洛士。欲篡王位。以希臘兵一萬三千與化蒙戰於古那撒。西洛士軍敗被殺。希臘將色諾分收殘兵一萬還。三百六十九年。希臘加尼州牧阿克立。暴戾殘虐。超過前代。殺異父兄弟十五人。以固其位。大將霸哥斯勸阿克立伐埃及國。取其珍玩而還。尋平居比路之亂。以功爲諸道大都督。見阿克立失衆鳩之。及其諸子立其季子。亞塞斯爲王。親攝國政。王欲誅霸哥斯。迫王自殺。立大流士納合斯孫爲王。稱大流士第三。大流士聲霸哥

斯弑逆之罪誅之

三百三十年馬其頓王亞歷山德來侵大流士第三邀戰大敗其臣二人以鐵索縛王置之車中將弑王以奪其國會亞歷山德突至二人惶急刺王駕駿馬而逃波斯全地遂歸馬其頓及馬其頓亡服從巴西弁巴西弁本屬波斯至是波斯反受其制縛至紀元後二百二十六年波斯王裔亞爾達吉起兵自立爲王

亞爾達吉

亞歷山德

王母士德

亞爾達吉卽位定子孫世襲二百四十年爲其下所害削巴嗣立與羅馬戰破之擒帝富利利安剝其皮傳十五世歷四百八十六年柯白卽位與羅馬戰不克割地請和羅馬都城取其亞細亞管地羅馬將百里沙留來伐却之五百七十九年王卒何毛斯嗣立羅馬人屢侵邊疆五百九十年國人作亂王被逐尋卒長子哥士僕立兇暴使人撲殺其父與羅馬帝希臘格留戰羅馬請和乃殺其使羅馬大舉來伐出禦之敗績又伐土耳其敗績歸罪將帥殺之將士皆憤怨其長子思僕士在外起兵攻父捕兄弟十八人盡殺之使父觀之後繫父於獄以利鏃刺體膚哥士僕不堪痛苦而死思僕士自立稱王與土耳其講和未幾暴死六百三十二年伊索日卽爲王與沙蘭生人戰敗績遂降求援於中國又請土耳其人禦阿刺伯阿刺伯人誘執王併其地波斯亡

八百四十年將軍太厚叛立太厚朝八百六十八年波斯人阿馬自立爲王設色法里朝太厚朝亡伊期美爾人色蠻尼來攻阿馬敗卒色蠻尼在達爾給斯坦自立建國統治波

波斯降于
馬毛多

波斯降于
蒙古

王達馬斯

王亞巴士

斯諸國色法里朝亡九百三十三年波斯人新建蒲牙狄朝以馬大道拉爲王政令風俗漸復其舊色蠻尼朝衰九百六十一年土耳其族阿伯特真據伽寺尼立國自主二傳馬孫馬毛多蠶食隣邦日以强大一千年波斯王安納巴降于馬毛多一千三十二年土耳其酋達路別克襲破波斯京城王馬蘇得敗死蒲牙狄朝亡達路別克立色舒格朝子孫世襲一千二百二十二年蒙古來伐波斯王奔印度全土歸蒙古一千二百五十一年蒙古蒙哥封弟大拉几于波斯大拉几征服兩江中之地稱王至一千三百二十年蒙古權勢漸衰一千三百四十五年波斯大疫死者三十萬人一千四百一年帖木兒郎攻克波斯京城積骸體九萬餘爲京觀一千五百年有伊蘇麥兒者起焉爲西格索比後裔西格索比與帖木兒郎同時有至德世人崇爲神人出于沙蘭生伊蘇麥兒子達馬斯年甫十歲嗣父爲王在位日久國內治安英人然金孫至波斯自稱英王依利撒伯使者謁王回教徒拒之不通達馬斯卒三子爭位伊蘇麥爾第二立盡滅其親族明年醉死其弟馬罕未得嗣立與土耳其戰連二十年一千五百八十二年國內貴族有怨王者推其子亞巴士爲王勸之叛父軍士爭棄王從亞巴士亞巴士既執政權與土耳其和賂以多地一千五百九十八年有兩英人來一爲波王乞援于歐羅巴各國一教波人戰法越三年復與土耳其戰連敗之遂復其故地一千六百二十二年取葡萄牙人所轄東方之地土字日大東至印度河西至低格里河通商各國始與英國約和

亞巴士有
君人之度

王亞巴士
第二

王西佛森

阿富汗政
波斯

王亞巴士

王頗有君人之度。其待外人一以寬大爲主。能容別教人。其用財專爲開化。各所設隊商館架橋梁。通水道。開市道。營寺院與學校。首郡伊斯巴罕。最稱宏麗。人文頗備。而其於倫理未免有遺憾。王初有四子。其幼時皆溺愛之。及長。輒生猜忌之念。相視猶仇敵。惡人稱其子之善。遂使刺客殺長子。其餘皆命臣下扶其目。蓋波斯諸國君長。逞暴行於宮中。無所不至。而王亦類之。其制馭國人。以致治平。亦由威脅。

一千六百二十七年。亞巴士卒。亞巴士第二嗣位。土耳其來伐陷數郡。遂講和。王在位三十九年。疆宇日闢。歐洲各國皆遣使來聘。卒沙立登嗣。立耽酒色。權勢下移。國運漸衰。一千六百九十四年。卒。遺命立子亞巴士。美爾薩親族廢之。立西佛森爲人。慈善。喬及人叛。討平之。以賊魁爲回教人赦之。爲肯特哈督。一千七百二十二年。阿富汗人馬毛多迫王讓位。王徒步出伊斯巴罕街衢。人民群聚哀號。王諭之曰。馬毛多愛育人民。或不如余。然彼才長於治世。能除外患。非余所及。遂脫王冠告別而去。

一千七百二十二年。阿富汗來寇。連七年。虐殺其民一百萬人。州郡鞠爲茂草。死骸疊疊。相望。一千七百二十五年。王病狂。安西里夫爲王。越五年。與阿富汗戰。敗死。達馬司伯爲王。一千七百三十二年。又與土耳其戰。敗績求和。將軍尼特可里廢王。立其子亞巴士。一千七百三十六年。亞巴士卒。高梨汗爲王。高梨汗本盜魁。爲人傑。駕出兵掠阿富汗。乘勢入印度。奪特里。殺四萬人。掠其財寶。在位十七年。爲政殘虐。國人皆怨。一千七百四十三

年爲天下所刺殺其姪安特里即位阿富汗乘隙來侵亡地大半一千七百四十八年王弟叛臣王自立尋遭殺六葛即位一千七百五十二年侯特叛破京城一千七百六十年侯特爲王與各國通商一千七百八十一年王弟參達篡位安利馬拉德討之扶其目越三年安利馬拉德卒喬法嗣立一千七百八十八年喬法遭害瑟德馬拉即位與喬法子大達夫安里戰兵敗被擒大達夫安利即位一千七百九十五年安葛馬罕末德擒大達夫安里殺之自立設開喬朝都於推海倫越二年遭害兄子福德阿厘嗣立波斯界在英俄屬地中間一千八百十三年俄人來伐亞美尼爾蹂躪殆徧割地講和英人意惡之明年遣使波斯要盟曰歐人逼印度出兵助英後復爲俄所侵失三州出償金立約不繫船舶於裏海一千八百二十八年俄人欲助福德阿厘子亞巴士美爾薩即位於預其內政使人恃威力蔑視波人波人怒殺之俄帝出問罪之師脅波王一千八百三十四年福德阿厘卒子六十人爭立英俄二國助其孫馬罕末德美爾薩繼位王爲俄人所唆襲希臘希臘在波斯與阿富汗之間頗爲要害英國使臣嘉德爾諫其妄侵隣境招怨於人時希臘陽臣屬波斯謀自立王乃決意出兵反爲其所擊破英人怒王不從已言發兵船掠加爾落克蒲西爾兩港王懼復通好於英俄國使臣說王曰英人將發兵買兵船直迫波斯不如依俄國以爲威強王乃聽俄人伐希臘降之未幾希臘叛王再伐之會英人出榜引兵而還一千八百四十八年國內大亂哥拉生叛軍士潰散王被廢拿斯

波人為英
俄二國所
壓

波人近慕
歐洲

波法之祖
瑞羅斯

勒丁為王。

波人為英俄二國所壓。常懷危懼。及一千八百五十五年。哥里米之役起。二國各欲以波為與國。多方脅迫。波人恐抗俄。立致危害。因辭英。遂與構釁。明年。發兵襲希臘城。英人懼。波攻希臘。授之俄人。遣兵擊波。是歲十二月。攻掠波斯灣。內加刺格島。一千八百五十七年。取庇西耳埠頭。法帝拿破崙居間勸講。和立約。許希臘自主。而阿富汗全國亦皆獲自立。

波人近慕歐洲文物。一千八百七十三年。王遊歐洲各國。各國待之甚厚。旋至土耳其訂盟修好。是歲八月歸國。七十八年。王欲抵法國觀博物館。啟行前一日。謁祖廟。兵卒擁王車作亂。王脫走。匿免縛。暴徒十人處死。遂抵法國觀焉。頌照相於國中。

波斯政體。君主專制。王居伯蘭。有一大宮在伊斯巴罕。其故城百泄波利瓦石為堆。尚足徵其壯大。通國氣候溫和。美草嘉樹甚多。花時芬芳可愛。國人好讀書。談古訓。有重德義之風。又詠詩歌。愛山水。勝槩其國教法之祖曰瑣羅斯的。紀元前五百五十一年。著經書。稱波斯之聖。其說謂有二神以統宇宙。一曰和爾摩。為善神。一曰亞利慢。為惡神。二神各欲行其志。爭鬪不止。至一萬二千歲之後。和爾摩大捷。而天下之惡皆消。又曰公道者。赴樂土之梯航也。雖暴惡者。苟能悔過。淨刷塵心。則亦得受無限幸福。日月星以和爾摩大能力造之。不可不崇敬。如地水火風亦皆當加敬。故太陽以下諸神。列於殿與者甚多。國